



Broj: 04-11-35532/26
Sarajevo, 31.07.2026. godine

Na osnovu člana 14. stav (1), člana 18. stav (1) i člana 24. stav (1) tačka a) Zakona o javnim nabavkama („Službeni glasnik BiH“, broj 39/14, 59/22 i 50/24) te Zahtjeva za pokretanje postupka javne nabavke za Odjeljenja za studije, projektovanje, rekonstrukciju i izgradnju puteva i objekata, a u skladu sa ukazanom potrebom, direktor Direkcije za puteve Kantona Sarajevo donosi:

ODLUKU

o pokretanju postupka javne nabavke radova:

NEPREDVIĐENI RADOVI NA PROJEKTU SANACIJE DIJELA ULICE NIKOLE ŠOPA SA IZGRADNJOM NEDOSTAJUĆE PJEŠAČKE STAZE KOD KŠC, OPĆINA ILIDŽA

I. PREDMET NABAVKE

Ugovorni organ, u skladu sa ukazanom i planiranom potrebom, pokreće postupak javne nabavke za nabavku radova: NEPREDVIĐENI RADOVI NA PROJEKTU SANACIJE DIJELA ULICE NIKOLE ŠOPA SA IZGRADNJOM NEDOSTAJUĆE PJEŠAČKE STAZE KOD KŠC, OPĆINA ILIDŽA, JRJN: 45233120-6 (Građevinski radovi na cesti).

II. BUDŽET I RASPOLOŽIVOST NOVČANIH SREDSTAVA

U Budžetu Kantona Sarajevo su predviđena sredstva za predmetnu nabavku, budžetska pozicija: 821600-EBX035.

III. PROCIJENJENA VRIJEDNOST

Procijenjena vrijednost za javnu nabavku iz člana I. ove odluke je 19.469,47 KM (bez pdv-a).

IV. VRSTA POSTUPKA

Ugovorni organ će nabavku iz člana I. ove odluke provesti primjenom pregovaračkog postupka bez objave obavještenja.

V. KRITERIJ ZA DODJELU UGOVORA

Kriterij za dodjelu ugovora je najniža cijena.

VI. KOMISIJA ZA NABAVKU

Za provođenje postupka javne nabavke, otvaranje zahtjeva za učešće i ponuda, pregled i ocjenu zahtjeva za učešće i ponuda i pregovaranje sa ponuđačem sačinjit će komisija koja će se imenovati posebnom odlukom ili rješenjem.



Sastav i djelokrug rada Komisije za nabavku utvrdit će se posebnom odlukom ili rješenjem, a u skladu sa zakonom i podzakonskim aktima.

VII. OSNOV ZA NABAVKU I SASTAVNI DIJELOVI

Postupak javne nabavke provest će se u skladu sa Zakonom o javnim nabavkama, podzakonskim aktima te Zahtjevom za pokretanje postupka javne nabavke za Odjeljenje za studije, projektovanje, rekonstrukciju i izgradnju puteva i objekata.

Sastavni dio ove odluke je Zahtjev za pokretanje postupka javne nabavke za Odjeljenje za studije, projektovanje, rekonstrukciju i izgradnju puteva i objekata sa priložima (Rezultati ispitivanja tržišta, Obrazloženje za pokretanje pregovaračkog postupka i Predmjer radova).

VIII. STUPANJE NA SNAGU

Ova odluka stupa na snagu danom donošenja.

O B R A Z L O Ž E N J E

Odjeljenje za studije, projektovanje, rekonstrukciju i izgradnju puteva i objekata podnijelo Zahtjev za pokretanje postupka javne nabavke radova: **NEPREDVIĐENI RADOVI NA PROJEKTU SANACIJE DIJELA ULICE NIKOLE ŠOPA SA IZGRADNJOM NEDOSTAJUĆE PJEŠAČKE STAZE KOD KŠC, OPĆINA ILIDŽA.**

Predmet nabavke nije podijeljen na lotove iz razloga što ne postoji ekonomska opravdanost, i što bi podjela na lotove bila nesvrshodna.

Podnosilac zahtjeva je uz zahtjev podnio dokaze o izvršenom istraživanju tržišta.

Podnosilac zahtjeva je u obrazloženju istog naveo da radovi koji su predmet ovog postupka koji nisu uključeni u prvobitno razmatrani projekat ili u prvobitno zaključeni ugovor, ali koji radovi su uvidom na terenu neophodni za izvođenje a isti se ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ.

Naime, iz obrazloženja navedenog zahtjeva proizilazi:

„Prilikom izvođenja radova na projektu sanacije dijela ulice Nikole Šopa sa izgradnjom nedostajuće pješačke staze kod KŠC, općina Ilidža ukazala se potreba za dodatnim nepredviđenim radovima.

Naime, izvođač je za izvođenje radova na raspolaganju imao projektnu dokumentaciju i katastar podzemnih instalacije. Prilikom vršenja radova iskopa rova za ugradnju elemenata odvodnje, tj. slivničkih kaca prema projektu, naišli su na vodovodne cijevi promjera cca 20 cm koje nisu bile ucertane u katastru podzemnih instalacije prilikom čega su iste oštećene. Izvođač je pozvao predstavnike KJKP VIK te isu isti došli i izvršili sanaciju predmetnog oštećenja i obilježavanje trase te vodovodne cijevi. Cijev se pruža skoro cijelom dužinom uz novoprojektovani ivičnjak (oko 200m) te onemogućava ugradnju slivnika prema projektu. Obzirom da je projektant vršio izradu projektne rješenja i pozicioniranje slivnika u skladu sa raspoloživim podacima iz katastra podzemnih instalacije, projektne rješenje odvodnje je cijelom dužinom u koliziji sa novopronađenom cijevi, odnosno ne može se izvršiti ugradnja slivnika.



Adresa: Hamida Dizdara 1, 71 000 Sarajevo
Tel: +387(0)33 560-402, Fax: +387(0)33 560-426
Web: <http://ms.ks.gov.ba>, E-mail: dp@dp.ks.gov.ba

Kako bi se problem riješio na raspolaganju su bile dvije mogućnosti, jedna je izmještanje sporne vodovodne cijevi na drugu lokaciju, a druga, alternativna, je izmjena projektnog rješenja odvodnje i uklopanje na novopostojeće stanje.

Obzirom da je trajnije i bolje rješenje bilo izmještanje cijevi u saradnji sa Općinom Ilidža pristupilo se analizi mogućnosti toga. Shodno tome kontaktiranje KJKP VIK d.o.o. Sarajevo te su njihovi predstavnici izlazili na teren, utvrdilo se činjenično stanje i napravilo projektno rješenje izmještanja te cijevi u kompletnoj dužini. Istraživanjem tržišta utvrđeno je da bi cijena tog izmještanja okvirno koštala oko 102.000,00 KM, odnosno radi se o značajnom iznosu. Obzirom da KJKP ViK ne raspolaže sredstvima koja bi usmjerio za tu namjenu razmatrano je sufinansiranje sa Općinom Ilidža, međutim ni to nije bilo izvodljivo u kratkom roku.

Obzirom da se radi o otvorenom gradilištu sa saobraćajem od oko 6.500 vozila dnevno na tom dijelu ceste, da se uz cestu nalaze mnogobrojni objektni komercijalne prirode, škola i crkva za izraženom frekvencijom pješaka i djece, gradilište se jako negativno odražava na život i zdravlje ljudi na tom dijelu, te je radove potrebno pod hitno završavati radove. Shodno tome, pristupilo se alternativnom rješenju, odnosno izmjeni i prilagodbi projektnog rješenja odvodnje novonastaloj situaciji. Novo projektno rješenje podrazumjeva ugradnju linijskih rešetki sa revizijama i spajanje istih direktno na kolektor odvodnje, a rešetke će se ugrađivati iznad postojeće vodovodne cijevi. Kako bi se spriječio mogući prodor oborinske kanalizacije u vodovodne cijevi, na mjestima ugradnje linijskih rešetki iznad vodovodnih cijevi vršiti će se zaštita odnosno oblaganje cijevi armiranim betonom. Sa projektnim rješenjem je saglasan projektant i predstavnici Općine, te je te radove potrebno pod hitno ugovoriti kako bi se isti mogli završiti čime bi se stekli uslovi na nastavak izvođenja već ugovorenih radova prema predmetnom ugovoru.“

U postupku po Zahtjevu za pokretanje postupka javne nabavke i njegovim prilogima, utvrđeno je da je isti osnovan i da sadrži sve potrebne elemente za odlučivanje.

Pri donošenju ove odluke, ugovorni organ se posebno rukovodio činjenicom da je predložena nabavka neophodna i planirana, da je realno procijenjena vrijednost predmeta nabavke na tržištu, da su osigurana sredstva za isplatu i da je predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu I. ove odluke.

Dostaviti:

- evidencija
- za objavu odluke na registru javnih nabavki
- a/a

Selmir Kovac, dipl. ing. saob.



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba

